


DM 250.193
38.1
28

贛縣志

張周垣
題簽





贛縣志卷三十二

二十六年徵集之書

人物志

名臣

贛自漢以前率以荒服視之至鍾越國公崛起於唐勳名垂竹帛爵位冠臣僚莫乎
尚矣嗣是以治績顯者代有其人而宋明為尤盛蓋崆峒章貢靈秀之所鍾毓而發
祥者不啻如景星慶雲之見於時人爭覩之以為快也舊志舉豐功偉烈本學問為
經濟為朝野所倚重者列諸名臣其次一官一邑及戎略武勳卓有可紀別為卷而
傳之令後之人知所取法云

唐

鍾紹京字可文贛縣德清鄉人後其地入與國魏大傅繇十五世孫兒時得瓜果先奉二
親讀書東龕工書法號小鍾家藏羲獻真蹟至數百卷初為司農錄事以善書為尚書
裴行儉薦直鳳閣武后時明堂九鼎銘及諸宮殿門榜皆紹京所署景龍中為宮苑總

贛

縣

志

卷三十二

名臣

監會羣庶人之難臨淄王隆基陰與紹京洎故朝邑尉劉幽求衛尉卿薛崇簡利仁府
折衝麻嗣宗等定策討之臨淄王乘日晡微服與幽求等入苑中會紹京廡舍逮夜天
星散落如雨幽求曰天意若此時不可失於是萬騎果毅葛福順李仙鳧屯元武門斬
左羽林將軍韋播中郎將高嵩以狗臨淄王遂與幽求等出苑南門紹京帥戶奴丁夫
二百餘人以從斧關而入帥總監及羽林兵至太極殿斬韋后分捕支黨盡誅之夜拜
紹京中書侍郎參知機務明日進中書令越國公實封五百戶賚賜與幽求等後睿宗
用薛稷謀改戶部尚書出為彭州刺史元宗即位復拜戶部尚書改太子詹事或告紹
京等怨望下紫微省按問紫微令姚崇言紹京等皆功臣乍就閒職微有沮喪下獄非
宜乃貶果州刺史又貶懷恩尉再遷溫州別駕十五年入朝見帝泣曰陛下忘疇日事
耶忍使棄死草莽且同時立功者今骨已朽而獨臣在陛下不垂憫乎帝惻然即曰授
太子右諭德久之遷少詹事年踰八十卒三子嘉璧晉州長史嘉瑋太子典膳郎山陰
縣公嘉璋左領軍衛長史德宗建中初錄武德以來宰相功臣勳名特高者差為二等

追贈紹京太子太傅宣宗大中初畫像繪圖凌煙閣將相功臣一等八十五人二等一百五十人紹京與焉（新唐書本傳韋后傳忠義傳合錄）

論曰弑逆之人人人得而誅之韋庶人之毒殺中宗其罪過於武曌則劉鍾之功應過於五王然五王所輔者虜主而劉鍾所從者英王五王中崔張位皆顯相其權重而易爲鍾劉位卑而力弱其勢難爲當是時諸兵權皆韋氏黨所執而卒斃於臨淄之手故史稱幽求之善謀而贊可大之果決若薛崇簡麻嗣宗諸人皆因二人成事故其報功也於二人獨隆而可大得同宋昌夜拜之典翌日卽進中書令封越國公則一時建績必尤非諸人所能並駕獨始事之深謀祕計則自幽求贊之幽求用事頗久可大暫相卽退而享年得永不若五王受禍之烈則時之明晦爲之矣

李邁字彥超登咸通四年進士性正直會以宦官爲館驛使臺諫爭之不從卽抱憤南旋同年劉承先語曰君負才略宜從容得位以圖肅清何嫉邪之亟耶後從安南節度高駉討平李涿餘黨賜金紫晉秩光祿大夫乾符中詔從招討使曾元楷追斬王仙芝拜

贛

縣

志

卷三十一

名臣

二

兵部尙書乞致仕歸宋進士渾潛皆六世孫（謝志）

宋

曾楸字叔夏準仲子少穎悟落筆驚流輩登元符三年進士紹興中知福州拒僞楚命表高宗勸進扈從隆祐孟太后至慶軍民偶忿爭賴以撫定累官吏部尙書著有內外制東官日記卒祀鄉賢子迪造造於乾道間知潮州迪子集自有傳（謝志參萬姓統譜）

明

劉丞直字宗弼幼穎悟吐辭成章卓犖如宿構弱冠治經聞秦和王以道明易從之遊者數年徧讀其所藏書遂博通羣籍登元至正進士歷韶州別駕潮州同知入明被薦召對高帝奇其才識乙巳詔卽元集慶路學爲國子學丞直爲博士吳元年丁未國子學初設祭酒司業以許存仁爲祭酒丞直爲司業立規條以束諸生誘掖獎勵每朝上呼諸生試所業有通悟者輒召丞直褒賞丞直爲人明達善觀時勢與人交好直言存仁將告歸祭先墓丞直曰主上天與人歸公儒臣宜俟登極不容遽去仁不聽果得罪已

西拜浙江按察司僉事時方谷珍初附人情洵洵丞直按部懲其梗法之尤者一道清肅先是丞直與豐城劉秩臨川熊鼎進賢朱夢炎皆以文學知名會朝廷方修典禮四人與焉書進並被褒賞秩知崇明州爲豪猾搆陷坐謫籍秩子靜年十三丞直行部遇於道攜而拊之適遣使巡方乃令靜匍匐愬冤使者以狀聞上勅臺臣申勘得白於是改授秩他官而斬誣者其篤友誼多類此時國法嚴重遂以疾乞歸家在崆峒山陽自稱崆峒雪樵學士宋濂爲之賦初丞直於君山遇異人授以丹經不之信及隱居多疾用其方竟以壽終有雪樵集行世及皇明近體詩鈔皇明鼓吹續編明音類選文翰類選宋遺民錄載其詩文

按王忠文禕崆峒山房記稱宗弼之曾大父蒼崖先生建精舍曰登雲集師友與子弟講學世以文學名至宗弼益自奮元時贛人第進士者自宗弼始云蒼崖先生名不著記中亦不署宗弼名府志作劉丞直未詳孰是

李旭字彥昇永樂二年貢入太學時上欲清查賦役黃冊考選國子生三百人首推旭有

贛縣志 卷三十二 名臣

幹才令總其事以慎勤稱旨除權監察御史出按福建踰年扈從巡狩北京貴州新設省一切創始事宜遣旭勸覈已又遣督造臨清倉厥具有成績陞湖廣按察使尋調山東陞湖廣左布政使正統初請老以壽終祀鄉賢

謝詔字彥實號鳳渚居城內萬歷二年進士知穎州穎刁悍多盜詔至廉得衙齋市豪爲民害者鉗刺之於市甚者撲殺之皆屏息莫敢恣一日方聽事忽心動飭嚴獄禁則果有重囚謀逸者即擒之有榜於通衢某日焚庫劫官閭井震驚詔恬然方命駕適春春壽春兵憲促之歸不應竟無故民間頌以爲神歷刑部郎分巡四川監軍討松潘番亂番連北寇聚黃沙壩勢甚張未旬日擒其渠魁賊望塵羅拜曰狸奴不敢復反城黃沙扼其要以二親老歸養起參政山西不赴播酋楊應龍叛復徵爲監軍兼程至蜀時蜀楚黔三省進兵分八道詔所監永甯合江二路先是僉憲四川時永甯宣撫使奢効忠死其妻奢世統無子妾奢世續子崇周幼前總兵劉顯因命世續誓宣撫印世統怒攻奪其落紅寨世續奔永甯總兵郭成按問掠其貲效忠弟沙卜遂拒殺裨將三人詔往

定之卻其饋金是役也世續率所部隸總兵官吳廣讓分四哨進攻崖門別遣世續等督夷兵二千扼桑木湓諸要害以防饜道應龍旋就滅當是時士司隨征者惟世續功最著有訛其績者抑之上賜詔緋魚二品服詔不受賞連章乞休屢起湖廣四川按察使雲南布政及巡撫順天凡六起用皆不赴生平不飾妾媵恭人蔡卒三十年不復娶額州西川諸番皆繪像祀之知額州時有士無行爲所黜去官日士民攀轅而是生亦奔送百里外幼有神童名爲王司寇敬所知王卒千里往哭其墓所著有玉房山集虔臺志贛郡志行世卒謚桓愨大學士倪元璐太史李維禎臨川陳際泰皆有傳誌碑祀鄉賢按傳中宣撫著効忠事從明史改正高安積景斯有書後見文徵

劉思誨字忠甫號鼎梅梅林人萬曆進士授臨淮知縣招撫流移墾荒田若干頃柳溝田水衝沙壓額徵如故思誨請於上官折半徵收因以所墾荒田補正額濠梁紅心二驛皆在臨淮境先時取十七州縣富民僉充馬遞驛卒其後專責臨淮逃亡幾半思誨曰害有大於此者乎乃覈徵羨商稅以足馬值發倉儲息粒以精驛卒因條列爲例築驛

贛縣志

卷三十二

名臣

前南岡高柳長堤彌望數里令臨淮六年治行天下第一授監察御史巡按順永保河陞大理左丞在臺中議論與楊漣鄒元標葉向高尤相合時魏忠賢竊政思誨謂中旨頻宣非所以安元輔請以票擬屬閣臣元標以廷杖幾死筋骨拘攣不宜責以拜起疏出人人皆危之未幾楊奉旨切責思誨相過慰勞忠賢竟以前疏故降三級調外崇禎元年召還林下忠節諸臣有旨復思誨原官知交無爲援者竟以寺丞終祀鄉賢

國朝

何其睿字克思別號慎菴乾隆元年舉於鄉二年登南宮第一名爲翰林院庶吉士授編修補咸安宮學總裁直武英殿校勘纂修三禮九年主考貴州十二年督學雲南試竣回京卒於官邸少孤母鍾氏矢志鞠育偶進食而手弗端輒曰是爲無心疚乎自是舉動整肅應童子試見知於贛令楊玠珍深器之爲諸生時督學王思訓李鍾僑皆置第一江西本朝自張貞生後無爲進士第一惟其睿繼之時年五十餘先達李紱稱其純乎學者氣象相國桐城張廷玉尤愛重之延爲子師三遇京察皆一等其爲學官

總裁九教習及子弟皆誦服若親師弟其督學雲南諭導士子意念真誠善詞愷切不獨文風丕變而士習亦爲之正制府張允隨謂學臣校文未必愛士愛士未必恤民恤民未必飭吏兼之者惟公一人其推重如此爲人溫厚和平絕無矜氣兄弟間孝友出於至性立身應世有古長者風子源遠孫祥麟皆舉於鄉